

續修四庫全書

《續修四庫全書》編纂委員會編

續修四庫全書

上海古籍出版社

一四九九・集部・別集類

幼學堂詩稿十七卷 幼學堂文稿八卷（幼學堂詩稿卷八至幼學堂文稿卷八）〔清〕沈欽韓撰……………一

雙硯齋詩鈔十六卷 〔清〕鄧廷楨撰……………三〇三

退菴詩存二十五卷 〔清〕梁章鉅撰……………四二九

幼學堂詩稿 丙寅至戊辰夏

讀三國志

吳縣 沈欽韓 文起

宰制有長算疆場無細求吳蜀固膠漆吉利肝食憂阿蒙
本無賴快意自樹讎蜀敗吳亦絀懍懍成瘡疣聊復習斌
嬾稱臣口咿嚶斫案雄氣索拜著罍子裘遺孽遂鳴張高
揖南嶽劉那得便無事淮渦駕龍舟幸賴江州成終亦通
賓振危哉子揚計傲飢指顧收我獨笑紫髯雌黃殊繆悠
王霸操大略子敬真寡儔當時九錫至空貽將相差

達人貴知幾要以慎爲本況乃處亂世夢寐猶難穩雅尚

幼學堂詩稿 卷八

一

阮嗣宗元遠折華袞無何步兵釀洞達東平相肝肺寓古
詩微辭示忠悃俗士雖致讎吏議莫能緝哀哉正始後妻
孥博殄屯小同亦何尤鳩羽隕美狼所以寒貧儔清狂安
棲遯

大江春水生迴艫眩洪濶浩周議既屈金車耳班蘭內難
一以彌天命乃妄奸往昔低屈趣權宜非厚顏諸君懷未
盡解說徒滿調遼東一介來聊欲洗宿癥夸辭告宇內九
錫加頻頻鑒空本抵欺萬人沒不還豈意六十翁鼠子散
而謾案劔指海隅怒氣涌如山英雄至末節耄荒良可歎
重令羅陽王酒食飲大官

牧牛上人招看牡丹

塵封筆研歎芳時瞥過桃枝與柳枝忍把餘春再孤負牡
丹花下試新詩

上入分我蒲團坐滿院初榮映曲欄花葉朝雲那可寄一
株合作夢中看

鄰蝶尋香過小谿酒龍詩虎惜分攜搏搏缺月愁心似禪

楊茶煙覓舊題

去年周保緒倪穀民同宿是菴

錦障珠塵爛曉霞幾叢深色關繁華飢槃蔬荀招寒士愧
此人間富貴花

吳匏菴研歌

幼學堂詩稿 卷八

二

戴筐墮地作山骨萬指截破金藏雲尾龍珠鳳漫軒輊賢
姦入手聲價分高陽繆公遺片石棄若瓦礫慚羅文艸窗
亦研銅雀研渴吻碎落彪犀紋摩抄此研三災免墨華不
散書倉芸匏菴款識乃深刻風廊花霰含烟熅想當坐窗
課手紙呵凍十指寧辭數一入玉堂批詔勅高捧侍史爐
香薰儒林丈人輝翰墨鄭重應策陶泓勳周生得之重拭
唾恍對良友謫皇墳發以於魯之蒼璧試以諸葛之卯君
既非七客寮中玉帶生亦異疊山賣卜建陽軍彼皆酸楚
動天地淚痕血點研削勤幸逢盛世發鴻業新桐滴露窺
朝暉期生抱此來試席文思浩若臨河瀆螭均萬言獻天

子往軌重續中吳聞不願春蛇秋蚓書博士喻麋橫費白
練羣嗟我鑄鐵磨無力蹲循欲作君苗焚有似姜生寶頑
質快意擲裂思梁汾摩厓健筆不得逞縮手重累逾五斤
案頭削脯封塵土安能匣以琉璃襲錦綵一研所遭有豐
膏吁嗟萬事何紛紜

胥江別徐良卿

邗江淮浦故人多誰命相思慰驚疴賴有徐卿挈艇子賣
花聲裏入煙蘿
櫻桃上市酒盈缸歸思如雲接潯江想得蘭橈趁新漲雨
聲午夜急篷窗

幼學堂詩稿 卷八

三

柳綿撲盡又黃梅印我青鞵沒舊苔聽雨樓中堪憶否新
詞爲乞賀方回

絲絲雨腳濕春衫共約裁書月一函昨飲情騰過棗市消
他雙燕拂輕帆

題寒山拾得圖卽效其體

飢拾冷廚糝飽向土窟睡打破虛空藏撒下方便智門前
冰牯牛嚙艸識艸味堂頭老闍黎參佛味佛義兩漢相視
笑隨衆看棚戲豐干舌莫饒彌勒杖不試但與自家人猜
著手中謎

吳文學詩 挽詞

幼學堂詩稿 卷八

四

吳君奮單門讀書鮮邱蓋便腹驗橫壬小冠識上兌五事
並轉圓千行下擊汰游心追樸學虛中叩爽籟考業數提
旬受故兼內外儲精急養羞飮理過甘帶涉獵病非醇譜
系慊所蒼初如承檐溜盎盎溢洩沛繼乃刊周天日月悉
交脣部分農區秧縷碎囊斫膾浩若泛湖江畫若經畎澮
朱墨別巾箱甲乙及梵貝敗筆泣冢埋叢卷什酒酌酸心
夜螢啼聒耳春鷓噉盛壯懋囊雖投老恥拔旆敦敦仍書
案軋軋循衣衿苦吟頭毛宣勤抄手胝蛻鄙生笑自苦雅
材推無害米膺彼僅招魚泚我可勾深藁臥熊羆窺穴跳
鼯謁溝猶號爲儒淫濫等自郇寒豆豉聾聵蔽葉精肺昧

懷研屨郡計釋短列王會厚殖償呻吟繆種傳狡獪較量
固若何稟賦真無奈老幹兀部婁纖鱗躍汪濊四科未中
丙九品寧書最名不出鄉亭食僅充粗糲清齊白呼浮俗
物青輟暇塵談快追鋒鱗令嚴下瀨瞪瞠啞聽熒罰酬困
行躡心神奄殘殍桑景條晚靄戴鴛巢集枕方相淚濕襟
殄殍幸求醫櫟絕遽告蔡吾鄉山水清羣士風聲靄方間
圍術偏家法曹道泰佑畢詞稍屬掉磬氣已快廟岸聊遵
循廣輪孰沛艾強力若袁遺令模逾郭太翁黎期得延桐
子繫攸賴不其萬艸枯羽陵養蠹大虛堂歇弦訢遠隴黯
松僧士詠應書重堯典同飾說哀詩代所旌幽竈庶可繪

徐良卿啖予松花餅以詩志之

有齒如冰爲甚酥山中宰相應清癯屑金略用紅絲雜煮
玉全同蒼壁模十字珍難薦豪饌一瓚香欲釀貧厨牢九
閒向深宵說風味應能似此無

良卿傲昆各以家醪見遣傲昆並致新茶一包

沈生塊獨掩蓬藿耿黽跳階蜚網壁纖風入林動屋蘿簌
簌梁塵惱幽寂朝來婦愠數米炊鳴夷臥牆燥不滌飛花
引纜驚鷗睡唧唧饗頭香入鼻胸中豈有過秦論澆愁縈
紆醉書味君家蜀山雲子腴親督阿段催秫租辛歲粗了
求釀法每召嘉客開樽俱三升日給不愁減節量使我額

幼學堂詩稿

卷八

五

暈臉周生夜航約書筒漉巾急致真珠紅預恐酒渴夢難
訴新芽鷹爪青箬籠貧家若此未曾有傾貲入市魚貫枰
遙質古人共覆斗亦呼小兒得霑口書窗夜涼燈火親養
甌銀粟注好春卻投枯腸獲新句蚯蚓細窺同酸呻

題復社紀略

江西一艾老禿負氣毆擊陳人中文章論定千古事坦
白襟懷推夏公陳黃門集告夏考功書稱其與人交不事吟哇周旋數子間多所匡救

堂前進饌驚座客儒林丈人越老成莫恨操戈福建子考
亭猶自困胡紉周之夢閩人

二十四气方崎屹朝局何堪艸野持諸公未覺將半過不

到蝗蝻箸錄時

金沙二周執牛耳一鼠一龍他日彭閭殺鴛湖好風月到

頭東市歎吳郎

舉棊不定薰與蕕矣一男子衣冠羞二三子肯破門尸王

魏不聞嗤馬周謂陳啓新

磊落賈彪急師友棲遑郭泰操人倫崆陽論死石齋竄反

袂忽傷終獲麟

屠孝廉傳山水畫壁歌

屠郎健筆摩鵬翼屯朋篤論推富植少年不廉奄衆長繪
事猶與奚剛敵有時把卷對虛廊小閣松風撼四壁肺肝

幼學堂詩稿

卷八

六

勃鬱邱壑蟠急呼童奴具墨汁解衣槃礴睥睨久海山破
碎排檐入興酣益澆老瓦盆酒盡墨乾嵐氣濕樹神狂樵
雲將奔驚起睡龍拳爪立決眦自亦詫絕奇那怪觀者駢
肩脅是時林表天晶瑩曲江浩淼雁羣急千峯飛雪皆白
頭惟有此圖沈黛色羨君家在山水窟清蒼夙抱九仙骨
偶隨計吏跋黃塵一笑歸來洗袴襪閒卻殿前作賦手元
氣淋漓不可伐五嶽滄洲搖筆來石林青逼捎雲鵲我放
西湖搖碧齋叩門淪茗飯筍蕨黃琉璃展當臥遊衆樹
聽萌蔘發山紅潤碧紛在眼翻悔攜筇深嶂蹋况君論議
邁千夫頓使恂愁奮超越勿與莫將岩壑補細君眷翠頤

可挂我壁尚立措蛛絲邀君醉筆寫天姥

不雨

日日密雲合老農閒倚鉏纔歡炊餅大更恐哺麋虛寬大
頻年詔凋殘比戶書平生憂國志不爲一甌儲

六月三日薛翁招集園林

纖雲破白日市聲聽浩浩吾儕亦何營忘機狎魚鳥交道
自古難所適卽爲好久乃與髯翁撲僂置懷抱竹逕時得
尋酒尊頗不燥望衡四五人狎怡忘稚老鼈長蓼同濡菹
芋椒共擣語言或舉獮觴行非艸艸齊腸愧腐儒婪酣有
宿飽翻悲屠沽兒一飯令迹埽鼓腹誦陶唐矯首憂蒼昊

幻學堂詩稿

卷八

七

蘊隆早勢成侂子吁嗟禱耕犁不傳士食新計太早忍輟
康衢嬉而繪監門殍賓筵良不易荒政孰能考姦尤卽思
逞城郭恐入保要期幽雅吹秋社重醉倒

漫興

畫史閒題釋惠崇酒徒剩寬斛斯融亂雲商略前山雨高
樹平分小閣風散帙當窗驚走蠹鍛詩欹枕惱飛蟲歸牛
浮鼻溪頭過載得斜陽一笠紅

吾廬

屋老皺開栗牆欹版不葺刮塵風力暗承漏雨聲多病要
青奴睡詩拈紅爰哦細旃兼廣廈杜老已蹉跎

上岸仍思曼東頭卽士龍伸眉吾道足衰滕古人容白鳥
喧瓜蔓元駒聚草茸山妻似鳩拙可但補蘿幃

初伏朱少尹招集塘灣別業

半天高柳卷芳隄如畫谿山綵筆題筍爲雷驚重迸土秧
因雨過得分畦雲生丹竈鍾吾暗波冷魚簑笠澤迷一醉
曹騰欹短榻牽牛花下月痕低

汪上舍正整招集莫愁湖上作

青山埽黛拂簾鈞千頃琉璃瀉碧甌雨埽梁間秋燕影風
含江上白蘋愁采菱疊舸饒遊女臥艸平臺識故侯已自
蒼茫杜陵感晚霞如綺莫登樓

幻學堂詩稿

卷八

八

白門垂柳感離羣俊侶詞場張一軍把酒共邀千里月卷
帷遙抹六朝雲扶風豪士蒼精劍幾社才人白練羣待詠
燭花雙蕊好桂枝香裏更論文是日集者二十八皆上下
江才士也荷發後獲雋者
惟余一人

阻風段腰見竿縣嚮體與慎伯保緒晉卿聯句

挂席迎秋風江流咽不下蕭蕭循荻洲依依問漁舍霞記
映餘暎潮迴逐新瀉方丹一暫繼野樹指孤跨寒燐睽星
明櫂火搖雲罅長年相人偶無籍此梗化鉄膏生安逃竿
首死未貴陳王詞何傷蜡氏禁自詫蛛网儼平楮鴟室峴
並架投棘稻芒罨染毛面具假看見初覆賦荷著今仰把

眼扶兇魄沈面創鬼箭射血漉蟻垤穿髮鬢苔痕亞嚇腐
鳥不號篋枯馬仍駕虎跳電光搜蜜腊歎陽炙竅凹若創
螺豁蝕如嚼蔗蜂刺知砭僇蠅鳴助嘯怕瓠落豈中浮柳
剖匪承醢揭書可傳觀函盛豈汝借獐麕怒獨旋血毋腥
相逐抱月柁樓窺蹴波菱旗研影駢露白初泣對燭跋乍
爛鼎壯士埋披羽獠婦嫁誰探赤丸起致盛革囊罷撫枕
夢詎通蔽月拜空藉籠昏杳杳煙嘯亂鴿鷺夜長韻異伐
鰐剔臍始美麝警息大生釐歲樂貓迎蜡奔鱗憶橫海插
羽傳距灞虎穴宜尹賞鵬舍矢黃霸當戈喉必吞負嶠首
猶帕鑄鐘已待爨挂戶豈懸價不吝藁街爵抑致陳野禡

幼學堂詩稿

卷八

九

終期訊誠并恥用鉤距詐形天摩腹嚙狂獮戴頭咤庶幾
裳裏呼坐見鱗甲卸盡撤山海防熙熙樂耕稼

婺源朱博士招同慎伯晉卿遊平山堂時重陽前一

日

遶隄綠水古城通秋菊寒泉薦醉翁新雁驚看金碧畫斑
駢驕入綺羅叢珠簾人影明霞裏鏡檻天香淡月中商畧
重陽先一醉衰顏猶恐未全紅

周孝侯廟

燕啄方投隙狐鳴忽跳梁銷兵長寇盜免胄陷忠良甲馬
乘雲黑靈旗閃日黃終令諸父老時節莫椒漿

惠州使署秋海棠開作重臺爲同年吳慈鶴題畫扇
映徹芙蓉鏡開從旌節花蜨衣含曉露書帶拂輕霞芳意
重重拆雙星脉脉斜嫣然追一笑珍重白團紗

黃孝廉成出示大王母蔣夫人所繡杏花一枝小詩

一首乃在室時其父應試都下寄此爲佳識也至
今百有三十年黃裝爲小軸徵予詩紀之

左家嬌女髮氎氎解憶長安陌上驂祝罷針神燈蕊結杏
花春雨話江南

蠶鉤小字折枝菊粉印脂痕遠寄將添入春明夢餘錄折
花那不憶平陽太白詩嬌女字平陽

幼學堂詩稿

卷八

十

金縷羅裙欲化煙牙籤猶見色絲鮮好吹仙蠶成胡蝶便
趁風光到日邊

題荷花障子

西風斜日憶鱸鄉半晌跳珠濺野航欲抱雲和彈水調莫
驚七十二鴛鴦

美人古鏡黯如油綵繡羅裙怯素秋遮斷荷花一千頃不
知天際有歸舟

下第自燕入秦留別甫山舍人二丈申耆太史四兄

玉坡巢松二同年

暖風吹柳絲遊子搖征轡已甘淪落心常恐世遺棄追計

家日遠轉喜身攸寄衣上京華塵眼中吳嶽翠遲遲就長
途戚戚逢歸騎夕陽照高關踈煙羃古寺林表圓清陰馬
頭兀殘醉那知連牀夢灑作臨歧淚去去不復陳相見慰
憔悴

昔我違室家追送多親串揮手峭帆開旅程問陽雁離緒
豈不惡行志故自辦飄然更遠遊蒼芒意所幻良朋託膠
漆丈人辱清晏慘沮抑衷腸齷齪承顧盼貧辛只自傷請
求亦已慣尙憐慈母綫久恐征途綻大河自東流行雲不
少閒努力語雙驂休辭泥沒軒

去年領解時窮冬坐切怛居人無糗糧遊子無裘褐同袍

幼學堂詩稿 卷八

七

有吳郎半瓊每相割經營爲主進提攜同就輶驚飈捲黃
沙徒御慘曉秣聊感激昂心陡覺愁陰豁迢迢三千里經
月欣得達輦轂何浩穰縞紵亦遼闊苦情勗壯語入門藉
擺撥今我別子去風塵更跼蹐是身如飛蓬渺焉在天末
一誦汝墳詩傷哉涕難遏

涿州懷盧尚書故里

經生拘常格志士驚竒功誰兼文武材海內有盧公漢末
失綱紀內外勢交訐沈沈仗遠慮炯炯懷孤忠奏記初不
納封事復如聾受鉞破大方執戈捍北宮黃巾旣膽落闔
豎亦計窮激揚信亮節叱咤生英風羌騎从西來滔天若

其工矢口獨守正拙身竟飾終利害誠非計出處要由衷
可憐座上客不鑒爨下桐

先主里

短夢續續迎朝暾棗花影拂征衫痕獨鹿山高髯眉黛巨
馬水活鏘心魂童童遠樹若車蓋揚鞭仿佛樓桑村四百
漢祚當杭棹無上將軍安足論白水真人赤帝子珍重殘
局遺耳孫師事名儒見狙豕鞭縛郡吏猶雞豚天下英雄
獨顧盼兵力不到氣早吞崎嶇軍簿已垂老遲回羽葆終
稱尊富貴故鄉應所戀却望司冀風塵昏小兒哆口有大
志禍福倚伏由家門老生嚙指坐自保不棄竹馬啜桓溫

幼學堂詩稿 卷八

主

驅車且過投逆旅渴吻急呼老瓦盆

定興縣謁楊椒山先生墓

官道辟邪卧蒼煙出古林牛衣休憶昔馬市到如今所學
本何事報君寧此心龍逢非俊物生世解浮沉

碣石館

無終華表澹浮雲駐馬荒臺拾舊聞猶有廉頗思用趙可
堪回首望諸君

督亢亭

九百餘年遺澤多案圖珍重此山河烏頭馬角回天意不
奈咸陽銅柱何

易京樓

北邙慨慨日南投白馬號聲挾兩矛國士門風頓蕭索卻教女子保重樓

易水行

絲楊側岸拭新翠白沙縈練激幽吹風起波回馬一嘶想像悲歌宋如意千秋猶憶送荆陲何與行人落雙淚漫言一死謝燕丹能驅人死今所難我今亦向咸陽去落拓應爲長鍊彈

真定懷古四首

睥睨稱雄鎮差我接上京戊開青犢壘山走樂羊城拔地

幼學堂詩稿卷八

三

當樓櫓橫河出甲兵東垣陸梁處折戟拾耕氓

漆里歡鳴筑叢臺望挽弧爭看銅馬帝那美執金吾戰鼓

沈蓮漏戎衣映繡縐瘦王真自誤赤伏不同符

河朔風塵暗常山唱義旗竿頭沒水擲插羽土門馳肉薄

揮刀地魂歸植髮時男兒死罵賊感激撫殘碑

高閣堪憑弔田公父子冤兵威三道屈盜藪百年尊搶勢

房山扼河聲陘口奔只緣盲宰相拱手付鯨吞

中山懷古

慶都臺下感晨風帽影鞭絲白狄中極目連山愁倒馬冤魂終古記當熊雨侵戰骨頽高隴草送征蹏滿舊宮安得

索郎千日酒自澆塊壘醉廉公

投老時來叩智囊和龍宮殿鬱相望一門子弟皆雄桀千里河山更陸梁白虜終應亡草付黔黎何至食魚羊可堪參合坡頭哭期促當年五木祥

劒杪嶄巖立衆岑遙情獨契阿勞深家門未肯留汙俗節

越誰先奉赤心溝限木刀霜旆卷河衝石自日輪沈餒王

猶有鯨鯢壘鬼火青燐出遠林

側岸涓流沐野花英雄城未作王家投弓一一羣鴻逝委

粟重重百雉遮迎堠角聲催匹馬亘霄雲氣作長蛇謗書

滿篋文侯意拓土功名莫謾夸

幼學堂詩稿卷八

十四

度滹沱河

朝發危渡口鈴馱雜邪許奔流翻濁泥日光與吞吐寒窳上危梁馬杓共撐拄黃雲暗秦戲童童表斥鹵盤渦一淫濫比屋炊懸釜光武昔南轅狼狽負楯弩水稜蹴馬蹶勢急千椎鼓驚心追騎來朔風卷凍土赤制佑真人白衣逢老父我今得徐驅猶憚行役苦遠夢落漁簑五湖足煙雨

光武廟 趙州柏鄉縣

符命夸新室謳吟盛漢黎中興三尺劒小醜一丸泥避吏開圖識騎牛奮鼓鼙雷呼震猛獸雨血斬修鯢四七天攸待三千后久俟侯王容崛起昆弟竟乖睨飲泣嫌方搆沈

幾險克躋將軍下河北司隸出關西電逝看龍躍風行聽
馬嘶焚書安反側案陣感招攜赤伏符終集家丞印莫齎
金刀殲彗宇日角快雲霓廟貌存蘋藻壇亭儼壁圭嚴尤
奇諦視朱祐密提撕肅肅神旌閃蔥蔥佳氣迷鼙聲傍井
聒熊耳對山低貴日思求友微時美娶妻僦驢供外舍買
蜜出中閨被甲鷹揚赫垂旒虎拜齊疇功皆附鳳弔古敢
然犀畫像虛苔壁碑趺辨菜畦胡兒啜石匄謾欲逐霜蹶

趙州口號

蕭蕭泚水欲生波北望常山撈髻螺于載左車重齒冷騎

豬南竄殺人多

謂武懿宗討契丹李萬榮事

幼學堂詩稿

卷八

五

內邱縣

小憩邢侯國征塵思漸深女鬟高麥浪馬足緩槐陰蓬鵲
芝難采陽都酒孰斟黑山羣盜靜杳杳送歸禽

邢臺懷古

驅車石井岡遙望襄國城項王鏖戰地日澹天晴噪典午
昔鼎沸窟穴豺狼爭胡雛脫柳桎盜弄潢池兵當其倚嘯
時氣已吞洛京公膺十八騎歛妻騰長鯨慨忼憐越石天
關傷祖生中州血爲池拱手開軒檻冠裳旣翕呬宮闕此
縱橫捫心慮符錄哆口論豪英豈知臥榻下餓虎窺生惺
一讀楚靈言聊抒懷古情

沙邱

馬斃枯其似浪翻夢隨殘月挂荒邨鮑魚同載啜仙骨雀
穀猶探弔餒魂耕隴逶迤侵隧道征衫抖擻御風門掩閨
吟巷人何處一髮天低鵲沒痕

邯鄲曲

幼學堂詩稿

卷八

五

西山睥睨接餘青樹樹高槐籠驛亭礙路游絲衝蛺蝶穿
垣細草撲蜻蜒舊傳都會饒雄麗攬古興懷聊小愒猶有
叢臺月一丸昏黃城北輝征袂叢臺昔日冠差戔踣躡彈
絃盛綺羅處女華年尋綺夢鈞天雅奏效清歌清歌皓齒
傳槍石宮館延袤開紫陌雉驚艾葉逐金丸馬散桃花迴
寶勒金丸寶勒翠樓還樓上鈎簾粲玉顏明珠自飾三千
履白璧仍歸百二關一時豪儁追芳躅冤魂誰遣長平哭
殿庭咳唾少虞卿壁壘風雲辭李牧赤地生毛壓劒芒君
臣囚首入咸陽謳聞山水巴猿嘯涕隕鄉關翔雁翔銅鋪
苦澀金蛾死鴛瓦生蒿鐘簾徙洞房霧縠散隨煙函谷香

車逝如水霧縠香車極望迷筵篋鈿落翠眉低平原上客
監門卒故國才人廝養妻後宮荆棘沾霜露鬱鬱古城吹
角曙戰血疑同溢口流舞雲直接洪陂去興亡轉轂鵠高
飛永巷春歌又戚姬遊說何來江次倩徵歌獨憶賈長兄
小婦檀槽蹙金鳳鵲聲嘶破江南夢我亦悲歌忼慨入當
壚沽飲還能痛上馬恩恩西入秦如聞倚瑟愼夫人傷心
莫指邯鄲道無數楊花舞麴塵

雨中過磁州

笨車作雞栖鬱卷艱畧轉野埃弄日高喉濁不得喘小雨
承袂迷涼風側耳善溢山煙半垂紫陌泥全輭黑雲勢轉

幼學堂詩稿 卷八

七

沈白波望難辨潺湲池雷注蒼黃囊襍卷漁蓑貴可做茅
屋倦猶聊我本蓬戶儒慣把愁霖遣床漏移席眠牆欲礙
書展何須裹飯來夷然樂墳典契闊白鷗波貧辛駕駘棧
羈懷那暫忘歸期終自勉一櫂艤姜潭西窗燭其翦

弔齊神武陵

靈后宣淫日高王結客身團焦蛇螻螻鳴鏞犬狺狺窘急
騎牛走從容翦馬陳揚鞭指河洛奮步上星辰鑄像謀能
阻投刀誓更親歐拳伴作使穿鼻玩遼巡伯業艱危立兵
威倏忽振梯衝盪無敵麾蓋望如神日麗韓陵字風清朔
野塵元黃逢百六水火又君臣一姓東西峙三分吳蜀鄰

蒼鷹開第宅黑獺拒河津舞稍摩堅礮彈箏狎舊賓金墉
欣渫血玉壁困回輪吉利同遺令謳歌待後人鮮卑語綿
綴敕勒唱悲辛宰木瞻銅雀荒塋臥石麟沈沈消紫氣莽
莽歷青春遲暮偏多感奸雄此最真龍腰遭禍酷狗脚邁
凶屯歲月寒燐積乾坤汗簡新滄桑幾閱世墟墓一沾巾

鄴中懷古

細雨如塵點客衣春歸紫陌落花稀一時賦手推曹植絕
世文心弔陸機鶴唳華亭悲白蛤香分銅雀惜羅衣何如
病臥漳濱者文雅從橫歛素扉

珠簾玉壁煥龍樓一笑旌旗上苑遊女騎鳴髀猶夾道浮

幼學堂詩稿 卷八

六

屠葬石已荒邱餒魂一柱腸堪洗高鼻三臺血遍流天遣
棘奴終劫運車前酌酒不消愁

興亡轉瞬如碁局莫道無愁大可哀遊豫園仍冤鬼哭貧
窮村有乞兒來忽忽大猾成妖夢趕趕黃龍阮劫灰同作
周臣誰失計鄧公自奏凱歌回

祿山降將皆茅土建節漳濱是薛嵩白馬憑陵憂寇盜青
衣談笑出英雄眉開星靨捎雲碧劍壓霜華閃燭紅一帶
西山接城影垂鞭想像舊驚鴻

湯陰縣謁鄂王祠

小縣依絳叢豐碑若鏡揩家風程史及巷哭相臺皆大節

鍾雙闕明禪肅左階背鬼軍甲仗忠義社弓鞞帕首青紅
鬼銖衣黃白娃銀瓶圍繡帳鐵簡奉麻鞵賜睽疑盤稍嘶
鳴想戰騶電光搜鑄鑊墨寶畫函釵維嶽蠡旗杳如環鳳
輦乖滄涼眺珂里噎塞撫瓊懷幕府奔亡駐臣工勸進諧
將星此磊落皇路昔虺虺鵬翼翔臨蓐蛟波汎擁簿周侗
應共祀王彥豈同儕百戰膚痕數孤衷背涅义符鳩諸間
濶拐馬陣唯柴國願宵衣紆堂將畫錦闔歡聲馳版檄悲
涕出金牌蟻賊綏江漢鵬兒告棘槐札從天子報議與老
秦排長脚蒼生誤單衣冤獄埋松庵題剝蝕桑葢夢離華
憶繞千秋觀還尋九曲厓林暉悽塑鶴草露亂私蛙隱客
幼學堂詩稿 卷八 十九

次洪縣

修途如縈蛇漸覺車轍艱湍崩瀉深澗雷轉飛蒼山行雲
助飄忽橫版觸灣環欽旭栖翮愜裊風爨煙間猗猗武公
美籊籊衛女歎圭璧度難接佩玉聲豈還曰余就行役朏
臆周如環歡悰秋帶墜愁眇遙岑攀屈躡委素抱列嫁犯

塵顏諒無攬轡志終安五湖間

衛輝道中雜詠

釣璜故里水鱗鱗柳下風清埤野塵直到白頭元鉞擁依
然市上鼓刀人

季重朝歌自僻居西園飛蓋憶同車秋風白髮傷遲暮感
逝重披鄴騎書

蘇門日煖翠嵐蒸被髮巖阿青眼曾舒嘯聲希還慟哭高
情終自愧孫登

淡雲寸碧抹遙岑大好精廬棲託心欹枕寒泉松下遶冷
洽如答一弦琴

幼學堂詩稿 卷八

三

已無竹簡出荒邱日日車鈴蕩客愁桂筍尋波真可羨淇
泉翻練下枋頭

河內三首

太行走幽都昂首始欲放翠色灑晴空奔雲掣奇狀濟源
王屋來澎壘誰能障挽強角大河激箭出其上邑居固殷
賑表裏實雄壯晉文啓南陽伯業乃高抗寇公昔剖符日
光耀甲仗長鯨十萬崩洛城氣沮喪藹鬱桑棗陰厓屢雉
堞向據鞍望黃華攬古神猶王復憶屠沽豪井里一相訪
崩礧指故基仿佛濁鹿城獻帝辭天位投閒此吞聲何知
舜禹事強飾掛讓名幽囚結氣慘備恪假禮羸竟保天年

歿復土禪陵成敗懷心不愧猜嫌意猶輕殘忍肇寄奴解
綬無滯情展轉絕命祝天家勿復生菟裘寧非幸傷哉榮
悴并

竹林尚修修貞萋破愁寂榛路鳴細泉苔扉倚敗甃風流
緬嵇阮中瓶恣游虛世網致流離山河逝良覲陳迹復千
年蛛絲古龕羃俗物忤良多賞心眇難覓高蔭昨交衢小
集橫槽榼酒壚聊駐車鍛竈近排壁風塵傷老醜朋好感
離逃落日滿蒼山憑衿愁短簞

孟縣謁韓文公祠

學者望如斗斯文制若經狂爲雙鳥計老觸鱷魚腥高浪

幼學堂詩稿 卷八

三

壁翻白短檠林送青飛霞佩堪乞千載羨寒廳

曉發孟縣日午始得渡河

兩厓積鐵不可判誰摩巨刃割天破土囊風怒羊角旋仰
首無何坎井坐隆隆百折修蛇蟠撐拒劣能容馬馱衆皴
崩剝作面皴土色侵入濁涕唾數家自鑿巖腰居如猱陟
降如虎臥曦升躔沒悄未覺縷縷柴煙颭敗銼隔手還愁
鈴鐸鳴遶岸忽窮見戍邏天倪涌現大河高擊地盤渦揚
堀堞傍徨欲渡車轂觸靜聽湍濤自掀播僕夫睡日馬搖
風眼勞凝睇腹捫餓須臾牽挽聲酸嘶浩浩渾流螳循磨
我生自合飽險巇西行尚有轂函過試舩覆沒傷杜侯得

達彼岸已足賀

洛城旅舍五日贈盛思本同年

燈花羞對杜羔妻笑指孤雲華嶽西客意他鄉逢令節詩
情壞壁覓新題邴原昂自甘龍腹石鑿心應怯馬蹏最憶
江鄉好風景畫舫簫鼓鬧蓮谿

洛陽懷古

不見銅駝荆棘間小灘鴻鵠一雙閑通傳白虎空三府妖
起蒼鵝失八關冉冉輶塵思洛水忽忽薤露盡芒山河陰
冤氣清流厄可獨衰弘灑血殷

南風起後赤光榮此座頻教老嫗停宮殿簿無耆舊憶伽

幼學堂詩稿 卷八

三

藍記偶道塗經漢唐互走勤王檄賓主同夸沾帝星難覓

董糟邱共醉垂鞭自出夕陽亭

新安道中用昌黎山石韻

挈棹倚祖林樾微高田麥穗蜻蛚飛甲光雲隕熊耳小血
痕地墳狼羆古礧礧塞澗轉轂澀潺湲當路塞裳稀關門
屹間路逆陟震御呀呬腸鳴飢官曹倚郭數過轍市集下
販投懸扉豪將九泥拓廬圍風生鳥翅急短簷日沒牛背涼
單衣疲繭聊復舒短榻驚寒亦得離塵轍繁星激激更追
詠郭丹何必駟馬歸

澠池二首

小郭臨官道神傷榮確稠廟猶崇五万亭自號千秋地聳
崎函勢風吹伊洛愁蒼煙二回首山鬼嘯危樓

馬首角聲悲長風攪我思屯形瞰虛牝叢杪譟羈雌激水
殷西岳橫霞掃赤眉鄉園何處望兒女盼歸期

峭坂

脂車戒登陟勢逐林曦上延緣不覺高官竄多回枉上坡
復下陂微飢馬搏顙石頑蚩尤髀天削巨靈掌義娥怯回
照風雨盛虛響當其輕輻投膽落已千丈卻羨巢居人牽
蘿列翠幌大河修帶束全晉高自仰老淚此沾襟隻輪久

幼學堂詩稿

卷八

五

埋莽雄塞快遐矚積愆勤追想悄悄下回谿飛鳶隊黃壤
兩厓間居民穿井至數十丈所謂巢居汲飲也

陝州寄張翰風

壯游欲賦愧如何古錦囊行勞者歌鼓角長亭殷硤石帆
檣底柱折黃河三門露髻嗟翁仲七里流丹怨郭多試上
城樓一顏浪中條霽影點蒼螺

拍岸驚波接涇津塞蹊亂石碾征輪長城東抱猶馳魏戍
卒西行竟滅秦獨有仙翁輕脫屣晚知郭令重蒙塵明朝
愁向桃林塞古戰場中萬點燐

函谷

却趁雞鳴早遐瞻虎視雄建瓴九國下暴骨二陵中漸逼
金天氣堪招玉井風那知河洛小曉日透幢幢漢書纂道形如面也

升喜臺

如何柱下史秘發金壺汁道德五千言蒼山老魅泣

女媧墓

鴻濛奠定忙煉石與搏土濁浪嚙風槌不將缺陷補

思子宮

祿祝致羣臣蚩尤埽二曜慘慘思子宮煌煌世宗廟

潼關

馬踏層雲雲氣浮翠屏如削涌城樓金天日麗蓮花彩玉

幼學堂詩稿

卷八

五

水風高竹箭流鶉首森嚴奮長戟龍驤儵忽駕方舟當年
膽落高歡處旗脚雲開滿目愁

弔漢太尉楊公墓

蟾蜍爬沙蝕明月北闕擣棟慷慨訣陰靈豁落奉陽精白
蓋雙騎大鳥鳴早時四知勵清德嗜欲空虛氣乃直張禹
胡質首鼠譏正坐不廉偷一息東京世族溯家風袁氏驕
淫終作賊獨將清白遺後人番番一老猶漢臣我來負笈
華陰市歎息關西有夫子棲雀講堂丈席規九原千載迨
子思立朝強項同葦柱須在齋鹽自刻時

王猛墓

恢廓中原契幾微正朔存有師賢鬼谷作相勝桓温地迴
龍長臥天高強自捫山神那可問洞口夕煙昏

過郭汾陽故里

元冢祁連望青林羽葆留驥超空廣野龍躍必靈湫妖霧
當中葉凌煙第一流選鋒蛇豕殪折箭犬羊投執節消讒
口揚威惕異謀艱難推上將泣涕復神州閭閻親仁宅旗
常高密侯角中安大樹張幄麗輕裘蠟淚三千舍香塵十
二樓引筵遷哲過聽佩季倫求富貴應如此勲庸得似不
舊廬還列戟凶豎已攢矛華州節度使周智光亭弩河東負餐錢少
府酬鳴珂回巷左摺笏滿牀頭鄉里夸冠蓋堂皇肅冕旒

幼學堂詩稿卷八

五

金神參執版玉女侍隨軺蠆尾敝碑額苔紋繡瓦溝風雲
猶壯色猿鶴豈埋愁泗上逍遙日關西擾攘秋功名鐵如
意亘古本無儔

望華山

赤日下地風鳴鑣浮嵐塞空青蒙綃入眼峻嶒尊太古披
胸摩豁千層霄巨靈爪力透月窟玉女眼波回斗杓蒼隼
一點削石劒綵虹百丈支銀橋勢看擗嶺挾飛動意懸拄
杖除矜驕自憐蟣蝨汨塵土身無羽翼當衝飈老仙睡息
雲縷擢狂士悲淚泉珠跳山靈偃蹇非素識虛館躑躅空
長音撫爽動操求夢寐恍惚度越洪厓超博箭攢青苔鼻

局洗盆湛綠漿流瓢金闕欲攀畏雷電明星可摘懷瓊瑤
車箱何人吹鐵笛天井下瞰聞玉簫黃河波湧掉山脚蓮
花雨落堆峯腰驚魂倏墮切酸楚幽谷萬竅含慄慄那知
紙窗耿曙色影亂竹柏聲鳴蕉心空遊目信非幻計拙腐
形寧避鷲搏虎射龍固怯驚鞭鸞笞鳳堪招邀天書雲篆
不難讀安能屈曲呼人貓秋涼逕辦十日煥高尋白帝追
昏朝霜妍月皎濯肺腑更將詩句窮搜雕

戲亭

指揮誰道沐猴冠虎拜如雷上將壇十八真王齊解甲繡
旗分導萬人看

幼學堂詩稿卷八

五

鴻門坂

亞父奇計皆下策已極兵威更殺降玉玦無靈撞玉斗烏
騅東引到烏江

渭南

蔡渡墟煙喚栗留綠陰深處釣竿收一聲長笛斜陽外盼
斷當年趙倚樓

新豐

舊社依稀語舊遊大風歌亦憶千秋蕭蕭雞犬斜陽裏焦
萃青衫是馬周

幼學堂詩稿卷八

幼學堂詩稿

戊辰夏起
至庚午夏

吳縣 沈欽韓 文起

浴溫泉

綿途屆三句爬垢逾一寸眼對驪山明心喜長安近眠食
循舊便筋骸振宿困補綴出中禪摒擋及敝縕思招冷暖
龍欲逐涇渭駿側出有溫泉萬古同神漢唧唧隨雲流濛
濛披霧嘆竟體醍醐灌餘馨蘭麝噴豈徒濯瘡疥亦足雪
頑鈍煙黛藉芳鮮草木含瑩潤爐薰企一晌嵐翠聳千仞
瑤宮露英乾瓊甃土花襯苔鉞傾沈水虹梁遺插燼通裁
寶林橫圓趺錦鞵印碧漢落霓裳金霞攏蟬鬢笳吹月戶

幼學堂詩稿

卷九

一

灞橋寄懷

愁塵暗眉山暈翠華電影過薌澤雨餘褪銀床攪秋聲玉
燕語春恨空聞鳴咽流猶間佩環韻當日紅巾銜今時憤
鼻恩風月幸可延開天莫復論何殊出虞淵兩腋輕思奮
松篁發幽吹拂席傾殘醺耿耿指雙星秋來隔芳訊

正是江鄉梅雨時金錢漫自卜歸期征輪碾盡風前絮更
向青門折柳枝

落花和申耆韻

罡風吹墮幾由旬惆悵聞香舊樂神偶點青衫皆是淚便
黏碧牌亦成塵水晶簾卷空涼月婪尾盃銜送好春莫怨

洞房芳樹暗薜蘿多少斂眉人

遊絲百尺弄煙霏小劫曇華溯地肥柳絮天涯歌緩緩聚
雲月下夢依依重窺上苑瓊枝換欲蹋春陽繡屨稀蠟淚
爐薰拈翠管多情么鳳傍人飛

暮雲愁睇碧模糊悽悽斷雲和一斛珠鬪艸舊曾翻禁簿埽
花誰與佩靈符馬蹄殘雪看都盡鴛枕餘香思漸無好向
河陽開紫陌春風桃李自千株

立秋前一日夜坐感懷寄申耆翰風二首

炎歊猶在室庭樹颯已秋東南望銀漢涼月隨波流道遠
沈尺素展轉懷煩憂蓬蒿翳陋巷砧杵悽高樓晨昏違子

幼學堂詩稿

卷九

二

舍闌輔真漫遊關輔秋風早薄寒絺綌收遙憐嬌兒女訝
我何淹畱在家厭喧聒孤影誰相酬飄泊我豈願行止非
自由豈徒缺餽粥未得營松楸惻惻將奈何壯心成白頭
露蟬咽高枝艸蟲趨暗壁秋風益騷騷秋意良悵悵我悲
人豈知鄙懷無感激艱難固自甘豈憂終岑寂坐念齒加
長學道撫躬惕文史浩千萬真心爲尋覓勤力尚無成古
人日以迷焉酬君相知深恐友朋責華堂競絲管中厨羅
酒炙煩冤莫可訴謹呶每致劇何如對床眠風雨清晨夕
囊琴積芳塵疎星澹遙碧

五君詠 并序